

永樂大典

卷四百八十一

永樂大典卷之四百八十一

忠 忠義十六

元史列傳李伯溫守賢之孫毅之子也。長兄惟則懷遠大將軍。平陽征行萬戶次伯通。歲甲戌。錦州張致叛。國王木華黎命擊之。大戰城北。伯通死焉。伯溫行平陽元帥府事。鎮青龍堡。專任東征。知平陽已陷。弟守忠被執。遷虜。勇拒守久之。金人盡銳來攻。守卒夜多遁去。李成開水門導敵入。伯溫登堞樓。謂左右曰。吾兄弟仗節擁麾。受方面之寄。今不幸失利。當以死報國。吾弟已被執。我不可再辱。汝等宜自逃生。士卒皆猶豫不忍去。伯溫即拔劍殺家屬。投井中。以刃植柱刺心而死。金人登樓見伯溫抱柱如生。無不嗟歎。子守正。自幼時嘗質於木華黎。後為平陽守。活俘虜甚衆。以功授銀青榮祿大夫。河東南路兵馬都元帥。歲庚寅。上黨晉陽合兵攻汾州。將陷。守正以義赴援。敵寡不敵。別遣老弱百人曳帛揚塵。多張旗幟。敵懼遂解去。汾人持牛酒迎犒者道不絕。且泣謝曰。幸公完是州。德甚大。願奉是州以從。關中兵屯吉州。酋領楊鐵槍以數千人叛。守正出兵擒之。軒成

永樂大典卷四百八十一

一

據隰州。守正往擊之。中矢傷足。及歸。瘡甚。會金人完顏合達攻平陽。守正累瘡戰歿。大帥以其兄守忠代之。守忠官至銀青榮祿大夫。河東南路兵馬都元帥。兼知平陽府事。士午冬。平陽公胡景山以青龍堡降。嘗從攻益都。北還。軍將彭智孫乘間據義州。叛。守忠聞之。長驅抵城下。力戰復之。丁亥。夏四月。金統石烈真襲擊平陽。行營招討使權國王按察兒於洪洞。守忠出援之。會於高梁。師潰入城。平陽副帥夾谷常德潛獻東門。以納金兵。城遂陷。金人執守忠至汴。誘以高爵。使降。守忠罵之。語惡。金人怒。置守忠鐵籠中。火炙死。石珪。泰安新泰人。宋祖徠先生守道之裔孫也。世以讀書力田為業。體貌魁偉。膂力過人。倜儻不羈。金貞祐南渡。兵戈四起。珪率少壯。負險自保。與滕陽陳敬宗聚兵山東。破張都統李霸王兵於龜蒙山。宋將鄭元龍以兵迎敵。珪敗之於毫陽。遂乘勝引兵入行胎。會宋賈汝誘殺連水忠義軍統轄李先。人情不安。眾迎珪為帥。呼為太尉。歲戊寅。太祖使葛葛不罕與宋議和。己卯。珪令麾下劉順直抵尋斯干城入覲。太祖慰勞。順且教珪曰。如宋和議不成。吾與爾永結一家。吾必榮汝。順還告珪。珪心感服。日夜思降。庚辰。宋果渝盟。珪棄其妻孔氏于金山。杖劍渡淮。宋將追之曰。太尉。迴完汝妻子。珪不顧。宋將沈珪妻子於淮。遂率順及李溫因

宇里海歸木華黎。木華黎悅之。謂曰：若得東平、南京，授汝判之。辛巳，木華黎承制。授珪光祿大夫、齊充單三州兵馬都總管。山東路行元帥佩金虎符，便宜從事。後金棄東平，珪與嚴實分據。收輯濟、兗、沂、滕、單諸州。癸未，太祖詔曰：石珪棄妻子，提兵歸順，戰勝攻取，加授金紫光祿大夫、東平兵馬都總管。山東諸路都元帥。餘如故。秋七月，珪領兵破曹州。與金將鄭從宜連戰數晝夜，糧絕，授兵不至，軍無叛意。珪臨陣馬仆，被擒囚。至汴，金主壯其為人，誘以名爵，欲使揖。珪憤然曰：吾身事大朝，官至光祿，復能受封他國耶？假我一朝，當縛爾以獻。金主大怒，蒸殺于市。珪怡然就死，色不變。其麾下立社，充州祀焉。攸哈剌拔都，渤海人，初名與哥，世農家，善射，以武斷鄉井。金末避地大寧國。兵至，出保高州，富庶，射獵以食。屢奪大營，草畜。又射死其追者。國王木華黎率兵攻寨，寨破，奔高州。國兵圍城下，令曰：能斬攸與哥首以降，則城中居民皆獲生。守者召謂曰：汝奇男子，吾寧忍斷汝首以獻，汝其往降乎？不然，吾一城生靈無噍類矣。與哥乃折矢出降。諸將怒欲殺之。木華黎曰：壯士也，留之為吾用。俾隸麾下。從木華黎攻通州。獻計一夕，造砲三十，雲梯數十，附城州將懼，出寶貨以降。木華黎命與哥恣取之。與哥獨取良馬三，以賞兵士。木華黎以其功，聞太祖，賜名哈剌。

永樂大典卷四百八十一

二

拔都從木華黎略地燕南，為先鋒。至大名，金將徒單登城督戰。哈剌拔都射之，甲左目。其部將開門而奔，追殺將盡，論功賜金符，充隨營監察。戊寅，授金虎符，龍虎衛上將軍。河東北路兵馬都元帥。鎮太原，恃太原新破，哈剌拔都修城池，繕兵甲，招降屬邑，市肆不改，遠近聞之，皆相率來贖。嘗微服夜出，聞民間語曰：吾屬父母子女相失矣，死者不可復生，生者無以為贖。奈何？明日下令軍中：凡俘獲有親者，聽贖。無貨者，官為贖之。民得完業者眾。庚辰二月，金梁知府立西風寨，奪居民耕牛，民群訴之。哈剌拔都領數騎追殺梁知府，梟首西門，驅耕牛還。木華黎由葭州渡河西行，哈剌拔都迎之道，破隰州，及懸窰地洞諸寨。辛巳三月，金兵攻壽陽縣，王胡莊垂破，時左右裨將各分兵守險，城中見卒不滿百，哈剌拔都夜半引甲騎十餘人救之，道三交，見金兵舉烽東西兩山，哈剌拔都趨之大戰，天將明，金兵遁去。擄太原之虛，由西門俘獲哈剌拔都家屬。哈剌拔都聞之，徑趨西山，復奪以還。五月，金趙權府率兵三萬圍太原，哈剌拔都將騎三十出西門，令騎交乘揚塵，聲言曰：國兵三萬至矣，金兵懼潰去。癸未，金馬武京來攻，太谷縣桑梓寨，哈剌拔都設伏于險，將輕騎衝其陣，伏發，大敗之。時太原諸邑皆平，唯石家莊及孟州陵井寨、忻州清泉寨，為唇齒，皆未下。甲

中十月將兵至陵井。遣卒叩寨門。詐曰。納糧芻。守者弗悟。門啓。徑入蹂踐之。晨潰其酋長走石家昂。遂平陵井寨。乙酉二月。清泉寨酋長王殷降石家昂亦降。丁亥五月。姦人夜獻太原東門于武仙。仙引兵入哈剌拔都寨。戰。仙兵大至。諸將自城外呼曰。彼哈剌拔都汝當出。哈剌拔都曰。真定史天倪。平陽李守忠。隰州田雄。皆失守矣。我又棄太原。將何面目見主上及國王乎。家屬任公等所俘。哈剌拔都誓與城同存亡。遂歿于陣。太祖以其子幼。命其表弟王七十復立太原。己丑攻鳳翔府。中砲死。哈剌拔都長子忙兀台嗣鎮太原。任志潞州人。歲戊寅。太師國王木華黎略地至潞州。志首迎降。國王授以虎符。俾充元帥。收輯山寨。數與金兵戰。比有功。金嘗擒其長子如山以招之。曰。降則爾子得生。不降則死。志曰。我為大朝之帥。豈愛一子。親射其子殪之。木華黎嘗召諸將議事。志亦預。徵道經武安。其縣已反。為金。志死之。國王聞之。令其子存襲。庚寅歲。金將武仙攻潞州。存戰死。辛卯正月。有旨潞州元帥。任存妻孥家屬。令有司廩給。仍賜第以居之。十一月。以存父子死事。子立尚幼。先官其姪成。為潞州長官。待立。是而遷授之。成卒。授立潞州長官。佩金符。後歷澤州尹。遷陳州卒。耶律忒末契丹人。父丑哥。仕遼為都統。遼亡不屈節。夫婦俱死。馬金主憫其忠義。授

木華大興卷四百八十一

忒末都統。歲甲戌。國兵至金。徙于汴。忒末及子天祐。率眾三萬內附。授帥府監軍。天祐招討使。從元帥史天倪略趙州。平棘。樂城。元氏。栢鄉。贊皇。臨城等縣。籍其民五千餘。置吏安輯焉。歲辛巳。太師木華黎統領諸道兵。為承制。加忒末洺州等路征行元帥。與天祐略邢。洺。磁。相懷。孟。招。花。馬。劉。元帥有功。木華黎又承制。授忒末真定路安撫使。洺州元帥進兵臨澤。路降。其民六十餘戶。以功遷河北西路安撫使。兼澤路元帥府事。壬午致仕。退居真定。天祐襲職。從天倪攻取益都諸城。略滄。得戶七十。兼滄州。達魯花赤。佩金符。持金璽。山衛鎮鹽場。未下。天祐以計克之。歲運鹽四十席。以佐軍儲。甲申。攻大名。拔之。乙酉。金降。將武仙據真定。以叛。授守將史天倪。忒末父子夜踰城而出。將以聞。會天倪弟天澤。還自北京。過諸滿城。合蒙古諸軍。南與賊戰。走武仙。後真定。朝廷以天澤襲兄爵。而以天祐鎮趙州。明年仙復犯真定。天澤潛師出葉城。忒末與其妻石抹氏及家孥在真定者皆陷焉。仙遣其僕劉攬兒持書誘天祐曰。汝能誅趙州官吏以降。當活汝父母。仍授汝元帥。不爾。盡烹之。忒末密令攬兒語天祐曰。仙賊狡。汝所知也。毋以我故。墮其機。竄以虧忠節。且忠孝難兩全。汝能固守不失。國家大計。我視刀銘。其如安矣。天祐慟哭承命。馳至葉城。以賊書示天澤。

永樂大典

卷四八一

天澤曰王陵之事照耀史冊汝能遵父命忠誠許國功不在王陵下。天祐乃趨還趙壁率眾殊死戰仙怒盡殺武末家一十八人戰于樂城元氏高邑相鄉仙兵屢挫監軍張林密構仙黨啓關納賊天祐倉皇巷戰手殺數十人身被十餘瘡斬關出復收散卒圍城丁亥賊棄城走追至藁城會天澤兵夾擊殺林加奉國上將軍洺州征行元帥兼趙州安撫使以傷憊致仕居趙卒孫世柵朝列大夫江西推茶都轉運使伯八兒合丹氏祖明里也赤哥嘗隸太祖帳下初怯列王可罕與太祖為鄰國誓相親好既而敗盟與其子先斃潛謀欲襲太祖因遣使通問許以女妻太祖弟合撒兒至期太祖欲往明里也赤哥疑其詐諫止之王可罕知謀泄遂謀入寇後為太祖所滅父統倫閣里必魯從太祖征西域累立奇功世祖即位以伯八舊臣子孫擢為萬戶命領諸部軍馬屯守欠欠州至元十二年親王昔列吉脫鐵木兒叛奔海都伯八以聞且願提兵往討之未得命為彼所襲死焉脫鐵木兒虜其二子八剌不蘭奚分置佐右居歲餘待之頗厚八剌陰結脫鐵木兒近侍也里伯禿謀報父仇後為也里伯禿家人泄其謀八剌知事不成將家族南奔脫鐵木兒遣騎追之至一河八剌馬驚不能渡回拒之射中數人力窮兄弟就擒脫鐵木兒責之曰我待汝厚甚而汝反

永樂大典卷四百八十一

四

為此耶八剌曰汝背叛君上害我父掠我親屬我誓欲殺汝以報君父之讎今力窮被執從汝所為逼令跪不屈以鐵搗碎其膝終不跪與弟不蘭奚同被害幼子何都兀赤官至河北河南道肅政廉訪使合剌普華岳璘帖木爾子也幼侍母與教氏居益都嘗歎曰幼而不學有不墮吾宗者乎父時以斷事官建牙保定合剌普華往白其志父奇之俾習畏兀書及經史記誦精敏出於天性李璉畔其母携季子脫烈普華避地登萊間音問隔絕號泣徹晝夜繼從從叔父撒吉思平賊山東卒奉其母以歸撒吉思深加器重自謂其才不及言於世祖召給宿衛嘗以事至益都於四脚山下置廣興商山二治以勞授金符為高山鐵冶都提舉未及代以職謀其弟侍兵南伐魏運繁興被選為行都漕運使帥諸翼兵萬五千人從事飛輓江南平上疏言親肺腑禮大臣以存國家之體與學校獎名節以勵天下之士正名分嚴考課以定百官之法通泉幣卻貢獻以厚生民之本又言江南新附宜招舊族力橋通商弛征薄入以撫馴其民不然恐尚煩宵旰之慮帝多采其言屬漕米二十萬緡邦溝達于河舟覆損十之一而又每斛視都斛虧三升時阿合馬專政責償舟人合剌普華伏闕抗言量之跡竊出於元降而水道之虞非人力所及且彼雖罄其家不足以償

苟朝廷必不任虧損。臣獨當其辜。詔勿治。阿合馬憤之。乃出合剌普華為寧海路達魯花赤。後遷江南宣慰使。未至官。改廣東都轉運鹽使。兼領諸番市舶。時盜梗鹽法。陳良臣。屬東莞香山惠州。有販之徒萬人為亂。江西行省命與招討使答失蠻討捕之。先驅斬渠魁。以訊賊。告躬抵賊巢。招誘餘黨復業。仍條言鹽法之不便者。悉除其害。按察使脫歡大為姦利。遂奏罷之。群盜歐南喜僭王號。僞署丞相。招討眾號十萬。因圖上其山川形勢。及攻取之策三十餘條。遂與都元帥課兒伯海牙。宣尉都元帥白佐。萬戶王守信等。以兵搯之。未幾。右丞唆都督兵。征占城。交趾。屬護餉道。北至東莞。博羅二界。中遇劇賊歐鍾等。橫絕石灣。其鋒銳甚合。剌普華身先士卒。且戰且行。矢竭馬創。徒步格鬪。殺數十人。勇氣益厲。以眾寡不敵。為所執。賊欲奉之為主。不屈。遂遇害于中心岡。是夕。其妻希召特勒氏。夢其來告。告曰。吾死矣。知事張德。劉閔。亦夢之。二人相繼死。而軍中往往見其乘驢督戰云。後贈戶部尚書。守忠全節功臣。謚忠愍。子二人。僕文質。越倫質。僕文質官至吉安路達魯花赤。贈宣惠安遠功臣。禮部尚書。追封雲中郡侯。謚忠襄。子六人。僕王立。僕直堅。僕哲篤。僕朝吾。僕列第。皆第進士。僕哲篤官至江西行省右丞。以文學政事稱。子特。越倫質子善著。僕哲篤子僕百。

永樂大典卷四百八十一

傳。善著子正宗。阿兒思蘭。皆相繼登第。一門世科之盛。當時所希有。君子蓋以為其忠義之報云。

劉天孚。字裕民。大名人。由中書譯史。為東平總管府判官。改都漕運司判官。知冠州。再知許州。所至有治績。特檢核屯田。臨穎都艾口民稻田三百頃。有欲害之者。指為古屯。陳于中書。請復築之。中書下天孚按實。天孚為辨其非。章數上。乃止。襄城與葉縣接壤。其南為湛河。襄城民食澮鹽。葉縣民食解鹽。刻石河南岸以為界。葉縣令有貪污者。妄徙石於北二里。誣其其實。天孚為考其元界。移石故處。而葉縣令被罪。去歲大旱。天孚禱即雨。野有蝗。天孚吟民出捕。俄群鳥來啄蝗。為盡。明年多熟。時有青蟲。如蠶食麥。人無可奈何。忽生大華蟲。盡嚼之。許人立碑頌焉。轉萬億寶源庫同提舉。遷江西行省左右司郎中。以母老不赴。俄丁母憂。服除。起知河中府。視事始兩月。陝西行省丞相阿思罕為亂。舉兵至河中。時事起不虞。達魯花赤朵兒只。趨晉寧告亂。天孚日夜治戰守具。選丁壯分守要害。分河東。轉運魯花赤脫因。都守大慶。關津口。盡收船舫東岸。令判官孫伯帖木兒守沁陰。推官程疎守禹門。河東縣尹王文義守風陵等渡。阿思罕軍列柵河。

西岸。使來索舟。天孚度不能拒。九八遣人至晉寧乞援。兵不報。居七日。阿思罕縛棧河上。欲縱火屠城。同知府事鐵哥與河東廉訪副使明安答見事急。且慮城中人備。乃詣阿思罕軍。阿思罕囚之。而歛船濟兵。兵既入城。阿思罕以扼河渡。鎖舟揖為天孚罪。欲脅使附己。方生府治。號令諸軍。天孚佩刀直前。衆遏之。不得進。退謂幕僚王從善等曰。吾家本微賤。荷朝命至此。今不幸遭大變。吾何忍從之。而負上恩哉。且與其辱於阿思罕之手。吾寧蹈河以死。遂拂衣出。時天寒。河水方堅。天孚拔所佩刀。斫冰開北望。為國語。若祝謝者。再拜已。脫衣間岸。許乃投水中。阿思罕大怒。藉其家。郡人咸哀痛之。事平。詔其弟天惠。給驛以歸。其柩葬于大名。贈推誠秉節功臣。中奉大夫。河東山西道宣慰使。護軍彭城郡侯。謚忠毅。

蕭景茂。漳州龍溪人也。性剛直。孝友。家貧。力農。重改至元四年。南勝縣民李智甫作亂。掠龍溪。景茂與兄佑集鄉丁拒之。據觀音山橋。險與賊戰。衆敗。景茂被執。賊脅使從己。景茂罵曰。狗盜。我生為大元民。死作隔洲鬼。豈從汝為逆耶。隔洲其所居里也。賊怒。縛景茂於樹。鬻其肉。使自啖。景茂益憤罵賊。遂以刀決其口。至耳傍。景茂罵不絕聲而死。有司上其事。朝廷命褒表之。仍給錢以葬。

張桓。字彥威。真定藁城人。父木。知汝寧府。因家焉。桓以國子生。擇褐授滑之白馬丞。入補中書掾。擢國子典簿。拜陝西行臺監察御史。以言事不合去。未幾。汝寧盜起。桓避之確山。賊久知桓名。襲獲之。羅拜請為帥。弗聽。因六月。擁至渠魁前。桓直趨據榻坐。與之抗論逆順。其徒猝桓起。跪。桓仰天大呼。誓叱。彌厲。且屢唾賊面。賊猶不忍殺。謂桓曰。汝但一揖。亦恕汝死。桓頓目曰。吾恨不能手斬逆首。肯聽汝誘脅而折腰哉。賊知終不可屈。遂刺之年四十八。賊後語人曰。張御史真鐵漢。害之可惜。事聞。贈禮部尚書。謚忠潔。

李黼。字子威。潁人也。工部尚書守中之子。守中性卞急。遇諸子極嚴。每一飲酒。輒半月。醉不解。黼百計承順。求寧親心。中不可得。跪而自訟。往往連且。無幾。微厭怠之意。初補國學生。泰定四年。遂以明經魁多士。授翰林修撰。明年代祠西嶽。省臣謂黼曰。敕使每後我。今可易邪。黼曰。王人雖微。春秋序於諸侯之上。尊君也。奈何後乎。省臣不敢對。改河南行省檢校官。遷禮部主事。拜監察御史。首言禱祠。蒸嘗古今大祭。今太廟唯二祭。而日享佛祠神御。非禮也。宜據經行之。成均教化之基。不當隸集賢。宜屬省臣兼領。諸侯王。歲賜有定額。分封易代之際。陳請恩例。世系戚疏。無成書可攷。

宜倣先代脩正。王牒皆不報。轉江西行省郎中。入爲國子監丞。遷宣文閣監書博士。兼經筵官。數以勸講。每以聖賢心法爲帝言之。俄中書命黼。巡視河渠。黼上言曰。蔡河源出京西。宋以轉輸之故。平地作堤。今河底填淤。高出地面。秋霖一至。橫潰爲災。宜按故迹。修浚他日。東河或有不測之阻。江淮運物。當因此分道達京。萬世之利也。亦不報。升祕書太監。拜禮部侍郎。奉旨詳定中外所上封事。已而廷議內外官通調。授黼江州路總管。至正十一年夏五月。盜起河南北。據徐蔡。南陷蕪黃。掠數千里。造船北岸。銳意南攻。九江居下流。實江東西襟喉之地。黼治城壕。修器械。募丁壯。分守要害。且上攻守之策於江西行省。請兵屯江北。以扼賊衝。庶幾大江之險。賊不得共之。不報。黼嘆曰。吾不知死所矣。乃獨推牛饗士。激忠義以作士氣。數日之間。紀綱粗立。十二年正月己未。賊渡江。陷武昌。威順王及省臣相繼遁。舳舻蔽江而下。江西大震。賊乘勝破瑞昌。右丞李羅帖木兒。方軍于江間之遙。黼雖孤立。辭氣愈奮厲。特黃梅縣主簿也。孫帖木兒願出擊賊。黼大喜。向天漉酒。與之誓言。始脫口。賊游兵以至。境急。檄諸鄉落。裝木石於險。塞處。遇賊歸路。倉卒無號。乃墨士卒面。統之出戰。黼身先士卒。大呼陷陣也。孫帖木兒繼進。賊大敗。逐北六十里。擲丁依險阻。乘高下木。

石橫屍蔽路。殺獲二萬餘。黼還謂左右曰。賊不利於陸。必由水道。以舟薄我。苟失備禦。吾屬無噍類矣。乃以長木數千。貫鐵椎於杪。暗植沿岸水中。逆刺賊舟。謂之七星橋。會西南風急。賊舟數十。果揚帆順流。鼓噪而至。舟遇橋不得動。進退無措。黼帥將士奮擊。發大翎箭射之。焚溺死者無算。餘舟散走。行者上黼功。請拜江西行省叅政。行江州南康等路軍民都總管。便宜行事。已而賊勢更熾。西自荆湖。東際淮甸。守臣往往棄城遁。黼守孤城。援無。旆斬賊扶傷。無日不戰。中外援絕。二月甲申。賊將薄城。公者平章政事。禿堅不花。自北門遁。黼引兵登陴。布戰具。賊已至甘棠湖。焚西門。乃張弩箭射之。賊趨起。未敢進。轉攻東門。黼救東門。賊已入。與之巷戰。知力不敢揮劍叱賊。曰。殺我。毋殺百姓。賊自巷背來刺黼墮馬。黼與從子秉昭俱罵賊而死。郡民間黼死。哭聲震天。相率具棺葬于東門外。黼死踰月。參政之命始下。年五十五。黼兄冕。居穎。亦死于賊。秉昭冕季子也。事聞。贈黼。撫忠義。敘節功臣。資德大夫。淮南江北等處行中書省左丞。上護軍。追封隴西郡公。謚忠文。詔立廟江州。賜額曰崇烈。官其子秉方集賢待制。李齊字公平。廣平人。家甚貧。客授江南工部。章元統元年。進士第一。歷食河南淮西廉訪司事。移知高郵府。有政聲。至正十年。盜突入府驛。取十二。

永樂大典

卷四八一

馬去齊躬追謝長等殺之。十一年州人秦觀保造兵仗將圍劫掠。後獲而行誅。十三年秦州白駒場亭民張士誠爲亂。破秦州。河南行省遣齊往招降。被拘久之。賊酋自相殺。始縱齊未歸。秦州平。賊徒尚盡聚。士誠復鼓變。殺參知政事趙璉。掠官庫民財。走入得勝湖。俄陷興化縣。行省以左丞傑哲篤偕宗王鎮高郵。使齊出守覺社湖。夏五月乙未。數賊入城。一謀呼而省憲官皆遁。齊急還救城。賊已閉門拒。我遂連興化。接得勝湖。舟艦四塞。募延入寶應縣。已而有詔。凡叛逆者赦之。詔至高郵不得入。賊始曰。請李知府來乃受命。行省強齊往。至則下齊獄中。齊益辯說。士誠本無降意。特遷延爲糖飾計耳。官軍謀知之。乃進攻城。士誠呼齊使跪。齊叱曰。吾膝如鐵。豈肯爲賊屈。士誠怒。扼之跪。齊立而詬之。乃曳倒槌碎其膝。而乃之論者謂大科三魁。若秦不華沒海上。李黼隕九江。洎齊之死。皆不負所學云。褚不華字君實。隰州石樓人。沈然有器局。泰定初。補中瑞司譯史。授海道副千戶。轉嘉興路治中。連拜南臺西臺監察御史。遷河西道廉訪僉事。移淮東。未幾陞副使。汝穎盜發。勢張甚。不華行郡至淮安。極力爲守禦計。賊至多所斬獲。且請知樞密院老章判官劉甲守韓信城。相犄角爲聲援。復上章劾總兵及諸將逗撓之罪。朝廷錄其功。陞廉訪使。階中奉大夫。甲有

永樂大典卷四百八十一

八

智勇。與賊戰。輒勝。賊憚之。號曰劉鐵頭。不華頗賴之。總兵者聞不華劾己。益恚嫉。乃檄甲別將兵擊賊。冀以困不華。甲去韓信城。陷。賊乃掘塹相銜。捷水寨以圍我。既而天長青軍叛。普顏帖木爾所統黃軍復叛。賊皆挾之來攻。不華知事危。退入哈剌章營。賊稍引去。乃出抵揚村橋。賊奄至。設廉訪副使不達失里啖其屍。不華以餘兵入淮安。時城之東西南三面皆賊。惟北門通沐陽。阻赤鯉湖。指揮使魏岳楊暹駐兵沐陽。淮安倚其芻餉。而赤鯉湖爲賊據。沐陽之路又絕。賊計孤城可取。進柵南鎖橋。不華與元帥張存義出大西門會僉事忽都不花兵突賊。柵殊死戰。賊敗走。追北二十餘里。城中食且絕。元帥吳德瑋運糧萬斛入河。竟爲賊所掠。德瑋僅以身免。賊以青軍攻圍。日益急。總兵者也下邳。相去五百里。按兵不出。凡遣使十九輩告急。皆不聽。城中餓者仆道上。即取啖之一切。草木螺蛤魚蛙燕鳥及鞞皮鞍韉革箱敗弓之筋皆盡。而後父子夫婦老穉更相食。撤屋爲薪。人多露處。坊陌荆棘。力旣盡。城陷。不華猶據西門力鬪。中傷。見執爲賊所斃。次子伴哥。有刃護之。亦見殺。時至正十六年十月乙丑也。不華守淮安五年。殆數十百戰。精忠大節。人比之張巡。云朝廷聞之。贈翰林學士承旨。榮祿大夫。柱國。追封衛國公。謚曰忠肅。賻鈔二百錠。以卹其家。

郭嘉字元禮潁陽人祖昂父惠俱以戰功顯嘉慷慨有大志始由國子生登泰定三年進士第授彰德路林州判官累遷翰林國史院編修官除廣東道宣慰使司都元帥府經歷未幾入為京畿漕運使司副使尋拜監察御史會朝廷以海寇起欲於浙東溫台慶元等路立水軍萬戶鎮之眾論紛紛莫定擢嘉禮部員外郎乘驛至慶元與江浙行省會議可否嘉至首詢父老知其弗便請罷之會方擇守令綏靖遠東乃授嘉廣寧路總管兼諸奧魯勸農防禦屬盜起軍旅數興供餉無虛日民苦和權轉輸而吏胥得因時為奸嘉設法計其戶口第其甲乙民甚便之有詔團結義兵嘉招集民數千教以坐作進退萬千百夫各統以長號令齊一賞罰明信故東方諸郡錢糧之富甲兵之精稱嘉為最十八年寇陷上京嘉聞之躬率義兵出禦既而遼陽陷嘉將眾巡邏去城十五里遇青號隊伍百餘人始言官軍嘉疑其詐俄果脫青衣變紅嘉出馬射賊分兵兩隊而夾攻之生擒賊數百死者無算嘉見賊勢日熾孤城無援乃集同官議攻守之計眾皆失措嘉曰吾計決矣因竭家所有衣服財物攜義士以勵其勇敢且曰自我祖宗有勳王室今之盡忠吾分內事也况身守此土當生死以之餘不足恤矣頃之賊至圍城亘數十里有大呼者曰遼陽我得矣何不出降嘉

永樂大典卷四百八十一

九

挽弓射呼者中其左頰墮馬死賊稍引退嘉遂開西門逐之賊大至力戰以死事聞贈崇化宣力效忠功臣資善大夫河南江北等處行省左丞上護軍封太原郡公謚忠烈

喜同周姓河西人初為後官衛士眾稱其才選充承徽寺經歷再調南陽縣達魯花赤居二歲效賊起陷鄧州人情洶洶俄而賊鋒抵南陽南陽無城無兵賊入之若虛邑喜同以計獲數賊詰之云賊將大至悉斬之以安眾心晝夜督丁壯巡邏守備時大司農錢木爾以兵駐于諸葛菴為賊所襲死之賊遂東銳取南陽喜同守西門望見賊勢盛即以死自許與家人訣曰吾與汝等不能相顧矣但各逃生吾分死此以報國也已而城中皆哭喜同策勵義兵奮力與賊搏賊退去明日復至與戰甚力殺賊凡數百賊知無後援戰愈急南陽遂陷喜同突圍將自援賊橫刺其馬馬蹶喜同鞭馬躍而起手斬刺馬者俄而為他賊所追身被數創不能鬪遂見執為所殺妻邢氏聞喜同力戰死帥家僮數人出走遇賊奪賊刀斫之且罵且前亦見殺一家死者二十餘人贈南陽路判官特襄陽錄事司達魯花赤塔不台字彥輝者元統元年進士魏王軍汝亳塔不台來供餉王嗜酒輕戰備一夕賊劫王王卧未能起為所執塔不台馳騎奪王亦為賊所得比

明見賊首。王拜乞活。塔不台以足蹴王曰。猶欲生乎。賊復屈其拜。塔不台拒而詬之。且與縛者角。遂支解。

韓因字可宗。汴梁人。少習舉子業。負氣不群。盜據汝寧。官軍討之。父不下。會朝廷詔赦叛逆。募可持詔入賊者。即借以官。因應命。乃借因以唐州判官使焉。賊渠恐其黨心搖。導因止于外。納詔不讀。詰問再三。因答以恩宥寬大。禍福所係甚切。不聽。乃縱因歸報。因出乘馬。周賊叱大言曰。汝輩好百姓。何不出降。歸田里。而甘從逆賊。驅使耶。衆愕眙相顧。或以告賊渠。渠追因責其所言。因極口肆詈。賊怒。寸割因。

卞琛。大名人。世爲農夫。早游學京師。得補國子生。既而丁母憂。治農于家。至正十二年。鄰郡盜起。未幾來剽掠。琛與從子小十。府史李仲亨等協謀。統丁壯數百人擊賊。丁壯皆民兵。無弓矢之備。直以鉤鉏白鋌當賊。賊矢兩集。琛衆潰散。被擒。仲亨小十皆死。賊素知琛諭之曰。汝從我解汝縛。不從殺汝。琛唾罵曰。我國子生也。視汝逆賊。真狗彘也。吾寧義死。不從賊生。罵不止。賊屢脅不聽。故之。

喬彞。字仲常。晉寧人。性高介有守。一特名稱籍甚。至正十八年。賊由絳州垣曲縣襲晉寧城。陷。城中死者十二三。彞整冠衣。聚妻子。家有大井。彞坐

井上。令妻子婢輩循次投井中。而已隨赴之。彞既死。賊首王士誠使人即彞家邀致之。至則彞已死矣。賊平。朝廷贈彞臨汾縣尹。賜謚純潔。有張嵩起王佐者。皆士人也。並以不屈賊而死。嵩起字傳霖。汾州人。累舉不中。嘗用薦者。徵爲國子助教。居一歲。免歸。盜既去。晉寧復陷。汾州器起與妻赴井死。王休字元輔。晉寧人。從父居上都。教授里巷。不與時俯仰。會賊至。倉卒不能避。爲所獲。欲降之。佐傲岸自如。詬賊不報。因見害。又有吳德新者。字止善。建昌人。工醫。留京師久。之嘗往寧夏。會盜至。德新見執。脅使降。德新厲聲曰。我生爲皇元人。死作皇元鬼。誓不從爾賊。賊乃縛其兩手。加白刃頸上。迫其畏屈。德新罵不已。乃曳之井上。陽欲擠之。德新偶得寬。即自投井中。仰罵賊。賊下射矢貫其項。罵益力。賊怒。以長槍刺之。然亦壯其志。憐其死。曰。此真丈夫也。以土埋井而去。

顏瑜。字德潤。兗州曲阜人。充國復聖公五十七代孫也。以行誼用舉者。爲鄒及陽曲兩縣教諭。至正十八年。田豐起山東。瑜携家走鄆城。道遇賊。以刃來脅。瑜曰。爾何人。瑜曰。我東魯書生也。賊執瑜曰。爾書生。吾不爾殺。可從我見主帥。瑜罵曰。爾賊何主帥。邪。賊怒。欲殺瑜。瑜無懼色。復使之馮旗。瑜大詬曰。爾大元百姓。天下亂。募爾爲兵。而反爲叛逆。我腕可斷。豈能爲

爾爲旗從逆乎。賊以槍刺瑜。至死罵不絕口。其妻子皆爲所害。又有曹彥可者。亳州人。會妖寇起。里中多田野無賴子。目不知書者。既破。彥可帶于竿。皆群趨彥可家。劫之使駕旗。彥可力解。乃迫以刀斧。彥可唾之曰。我儒者。知有君父。寧死耳。豈爲汝駕旗者耶。賊怒。遂見害。年七十矣。其家素貧。又死於亂。棄殯其尸。賊既定。有司具以事聞。中書爲給資以塋。賜諡節愍。王士元。字克佐。恩州人。泰定四年進士。由州判官。累遷知磁州。值軍興。餽餉需索日繁。民不堪命。士元心念其民力。爲區畫。至爲將士陵辱。討責弗避也。改知濟州。州濱黃河。嘗經盜賊。城堞不完。市井空荒。士元邑邑不得志。而臨事未嘗易其素。至正十七年。賊復迫濟州。州兵悉潰散。士元坐堂上。顧其子致微。使避賊。曰。吾守臣居此職也。若可逃生。子侍立。不忍去。賊前問曰。爾爲誰。士元叱曰。我王知州也。強賊識我否。賊欲縛士元。士元奮拳毆賊。賊怒。并其子殺之。

楊樸。字文素。河南人。早以文學。得推擇爲吏。任至滁州。全椒縣尹。滁界廬江。廬江陷於寇。滁人震動。行省參政也。先總兵于滁。不理軍事。唯縱飲。至暮。城門不鑰。寇入。縱火。猶張燭。揮枉急。踰城出走。樸度必死。乃盡殺其妻女。朝服坐堂上。盜欲辟之。樸指妻女示曰。我已成我屬。政欲死。官守耳。尚

何云云。乃連唾之。賊繫樸。倒懸樹上。而剖其肉。至盡。猶大罵弗絕。

趙璉。字伯器。宏律之孫也。至治元年登進士第。授嵩州判官。再調汴梁路祥符縣尹。入爲國子助教。累遷湖廣行省左右司郎中。除杭州路總管。杭州於東南爲劇郡。地大民夥。長吏多不稱其職。璉爲人強毅。聞敏。精力絕人。吏莫不服其明決。而不敢欺。浙右病於徭役。民充坊里正者。皆破其家。朝廷令行省。召八郡守。集議便民之法。璉獻議。以屬縣坊正爲額。役里正用田賦以均之。民咸以爲便。有盜誘其同惡。持刃出市。斫人以索金。市民乃戶歛以予之。人無敢言者。璉曰。此不可長也。遣卒掩捕之。盡戮諸市。踰年。召拜吏部侍郎。抗人恩之。刻其政績于碑。歷中書左司郎中。除禮部尚書。尋遷戶部。拜參議中書省事。出爲山北遼東道廉訪使。是時河南兵起。湖廣荆襄皆陷。而兩淮亦騷動。朝廷乃析河南地。立淮南江北行省于揚州。以璉參知政事。璉方病水腫。即與疾而行。既至。分省鎮淮安。又移鎮真州。會張士誠爲亂。突起海濱。陷泰州興化。行省遣兵討之。不克。乃命高郵知府李齊往招諭之。士誠因請降。行省授以民職。且乞從征討。以自効。遂移璉鎮泰州。璉乃趣士誠治戈船。趨濠泗。士誠疑。憚不肯發。又覘知璉無備。遂復反。夜四鼓。縱火登城。璉力疾捫佩刀上馬。與賊鬪。市衢。賊圍。璉邀至

永樂大典

卷四八一

其船。連詰之曰。汝輩罪在不赦。今既宥爾。誅戮。又錫以名爵。朝廷何負於汝。乃既降復反邪。汝棄信逆天。威不旋踵。我執政大臣。豈為汝賊輩屈乎。即馳騎奮擊賊。賊以槩撞連墜地。欲昇登其舟。連填目大罵。遂死之。其僕揚兒以身蔽連。亦俱死。及亂定。州民收其屍。歸殯于真州。事聞。賜鈔三百錠。仍官其子錡。第琬字仲德。仕至台州路總管。至正二十七年。方國瑛以舟挾琬至黃巖。琬潛登白龍輿。舍於民家。絕粒不食。人勸之食。輒瞑目卻之。七日而死。

孫撫字自謙。曹州人。至正二年進士。授濟寧路錄事。張士誠據高郵叛。或謂其有降意。朝廷擇烏馬兒為使。招諭士誠。而用撫為輔行。撫家居不知也。中書借撫集賢待制。給驛就其家起之。撫強行抵高郵。士誠不逆。詔使撫等既入城。反覆開諭。士誠等皆味然以聽。已而拘之他室。或日一饋食。或間日一饋食。欲以降撫。撫唯詬斥而已。乃令其黨播揚。肆其陵辱。撫不郵也。及士誠徙平江。撫與士誠部將張茂先謀。將撫所授站馬劄子。遣壯士浦四許誠赴鎮南王府。約日進兵復高郵。謀洩。執撫訊問。撫罵聲不絕。竟為所害。後賊中見失節者。輒自相嗤曰。此豈孫待制耶。事聞。贈翰林侍讀學士。中奉大夫。護軍。追封曹南郡公。謚忠烈。賜田三頃。恤其家。

永樂大典卷四百八十一

十二

石普。字元周。徐州人。至正五年進士。授國史院編修官。改經正監經歷。淮東西盜起。朝廷方用兵。普以將略稱。同僉樞密院事。董鑰嘗薦其材。會丞相脫脫討徐州。以普從行。徐平。錄功。遷兵部主事。尋陞樞密院都事。從樞密院官守淮安。時張士誠據高郵。普詣丞相面陳破賊之策。且曰。高郵負重湖之險。地皆沮洳。騎兵卒莫能前。與普步兵三萬保取之。高郵既平。則濠泗易破。普請先驅。為天下忠義倡。丞相壯之。命權山東義兵萬戶府事。招民義萬人以行。而汝中相者。方用事。陰沮之。減其軍半。初。令普便宜行事。及行。又使聽淮南行省節制。普行次范水砦。日未夕。普令軍中具食。夜漏三刻。下令銜枚趨寶應。其營中更鼓如平時。抵縣。即登城。樹幟。城上賊大驚潰。因撫安其民。由是諸將疾普功。水陸進兵。乘勝拔十餘砦。斬賊數百將。抵高郵城。分兵三隊。一趨城東。備水戰。一為奇兵。虞後。一普自將攻北門。遇賊與戰。賊不能支。遁入城。普先士卒躡之。縱火燒關門。賊思謀。棄城走。而援軍望之。按不進。且忌。普成功。總兵者。遣蒙古軍千騎。突出普軍前。欲收先入之功。而賊以死扞。蒙古軍懼。即馳回。普止之。不可。遂為賊所蹂踐。率墜水中。普軍亂。賊乘之。普勸餘兵血戰良久。伏劍大呼曰。大丈夫當為國死。有不進前者斬。奮擊。直入賊陣中。從者僅三十人。至日西。援

絕被創墮馬復步戰數合賊益至賊指曰此必頭目不可使逸須生致之
普叱曰死賊奴我即石都事何云頭目左脅為賊鎗所中猶手握其鎗斫
賊死賊眾攢鎗以刺普普與從者皆力戰俱死之

威昭字克明歸德人由儒學官累遷淮南行者照磨會詔使往高郵不得
達而還謀稱賊以迎拜但乞名爵耳行者不虞其欺乃遣昭入高郵授所
與士誠官士誠拒不聽拘諸舟中昭語所從吏曰吾之止此有死而已既
而官軍逼高郵士誠授昭以兵使出拒官軍昭叱曰吾奉命招諭汝汝拘
留詔使罪不容斬又欲吾從汝為賊耶大罵不絕口賊怒先刺其背肉而
後磔之

楊乘字文載濱州渤海人至正初為介休縣尹民饑散為盜乘立法招之
使自新皆棄兵頓首願為良民其後累官江浙行者左右司員外郎坐海
寇掠漕糧舟免官寓居松江張士誠入平江其徒郭良弼董綬言乘于士
誠士誠遣張經招乘乘曰良弼董綬皆名臣今已失節願欲引我以濟其
惡邪且讓經平日讀書云何經俛首不能對乘日與客痛飲竟日不言客
問盡行乎乘曰乘以一小吏致身顯官有死而已尚何行之有經促其行
愈急乘乃整衣冠自經死年六十四

納速剌丁字士瞻其父馬合木從征襄陽以勞擢濟州達魯花赤因家大
名納速剌丁起身鄉貢進士補淮東廉訪司書吏丁母憂服闋補兩浙鹽
運司掾復辟掾淮東宣慰司至正十年賊發真州納速剌丁以民兵往襲
之獲賊四十二人已而泰州賊大起鎮南王府宣慰司請參議軍事納速
剌丁建議築四城立外寨捷堡穿河募兵與賊抗行者撤其提戰艦六十
海舟十四上下巡捕以固江面且護蒙古軍五百往江寧道遇賊斬擊二
百餘級生獲十八人遂抵龍潭而還未幾出邏江上賊突至馳船來鬪納
速剌丁手射死三十賊奪其放火小船二百賊因遁走俄復據龍潭口又
擊走之追斬三百餘級其子寶童擒首賊陳亞虎等及其號旗捷聞賞資
良屋且召納速剌丁還真州而賊犯蕪湖南行臺檄使來援乃以兵赴及
至賊船已薄岸遂三分戰艦縱擊之賊奔潰俘斬甚眾賊不得渡江者多
納速剌丁之功也因留守蕪湖江口泰州李二起行省移之捍高郵得勝
湖賊船七十餘艘東風而來即前擊之焚其二十餘船賊潰去李二失援
遂降其黨張士誠殺李二復為亂賊參政趙璉入據興化而水陸襲高郵
七兵東門納速剌丁以舟師會諸軍討之距三架鎮賊眾猝至納速剌丁
麾兵挫其鋒捷賊鼓譟而前乃發火箭射之死者蔽流而下賊縹船

於此。盡力來攻。而阿速衛軍。及真滌萬戶府等官。見賊勢熾。皆遁走。納速剌丁願必死。謂其三子寶童。海魯丁。西山驢。曰。汝輩可脫走。寶童等不肯去。遂皆死之。省憲為贖其家。事聞。贈納速剌丁淮西元帥府經歷。

伯顏不花的斤。字蒼崖。長吾兒氏。駙馬都尉。中書丞相。封高昌王。雪雪的斤之孫。駙馬都尉。江浙行省丞相。封荆南王。孕爾的斤之子也。侗儻好學。曉音律。初用父慶同知信州路事。又移建德路。會徽寇犯遂安。伯顏不花的斤將義兵平之。又擒淳安叛賊。方清之。以功陞本路總管。至正十六年。授衢州路達魯花赤。明年行樞密院判官。阿魯灰引兵經衢州。軍無紀律。所過輒大剽掠。伯顏不花的斤曰。阿魯灰以官軍而為民患。此國賊也。可縱之乎。乃帥兵逐之出境。郡賴以寧。陞浙東都元帥。守禦衢州。頃之擢江東道廉訪副使。階中大夫。十八年二月。江西陳友諒。遣賊黨正奉國等。號二十萬。寇信州。明年正月。伯顏不花的斤。自衢引兵援馬。及至。過奉國城。東力戰破走之。時鎮南王子大聖奴。樞密院判官席閏等。屯兵城中。聞伯顏不花的斤至。爭開門出迎。羅拜馬前。伯顏不花的斤登城四顧。誓以破賊自許。後數日。賊復來攻城。伯顏不花的斤大饗士卒。約曰。今日破賊。不用命者斬。乃命大都閫將阿速諸軍。及民義為左翼。出南門。高義范則忠。

將信陽一軍為右翼。出北門。自與忽都不花將沿海諸軍為中軍。出西門。部伍既整。因奮擊入賊營。斬首數千級。賊亂。殺擒奉國。遁賊將突至。我軍入其營者。咸沒其勢。將殆。忽都不花復勸兵力戰。大破之。二月。友諒弟友德營于城東。繞城植木柵。攻我益急。又遣偽萬戶周伯嘉來說降。高義潛與之通給。忽都不花等謂與奉國相見。則兵彙可解。忽都不花信之。率則忠等十人往見奉國。因之不遣。明日奉國令高義以計來誘伯顏不花的斤。時伯顏不花的斤坐城上。見高義單騎來。伯顏不花的斤謂曰。汝誘十帥無一人還。今復來誘我耶。我頭可斷。是不可移。乃數其罪。斬之。由是日夜與賊鏖戰。糧竭矢盡。而氣不少衰。夏四月。有大呼於城下者。曰。有詔。蔡謀海魯丁臨城問之。曰。何來。曰。江西來。海魯丁曰。如此。乃賊耳。吾元朝臣子。可受爾偽詔乎。呼者曰。我主聞信州久不下。知爾忠義。故來詔爾。使守空城。欲何為耶。海魯丁曰。汝聞張雅陽事乎。偽使者不答而去。伯顏不花的斤笑曰。賊欲我降爾。城存與存。城亡與亡。吾計之熟矣。待軍民唯食草苗茶飯。既盡。括靴底糞食之。又盡。掘鼠羅雀。及殺老弱以食。五月。大破賊兵。六月。奉國親來攻城。晝夜不息者踰旬。賊皆穴地百餘所。或魚貫梯城而上。伯顏不花的斤登城。麾兵拒之。已而士卒力疲。不能戰。萬戶顧馬兒

以城叛。城遂陷。帝聞出降。大聖奴海魯丁皆死之。伯顏不花的斤力戰不勝。遂自刎。其部將蔡城盡殺妻子及將廣奮力巷戰。誠遇害死。廣為奉國所執。愛廣勇敢。使之降。廣曰。我寧為忠死。不為降生。汝等輩中一盜爾。吾豈屈汝乎。賊怒。磔廣于竿。廣大罵而絕。有陳受者信小民也。伯顏不花的斤知受有膂力。募為義兵。尋戰敗。為賊擒。痛罵不屈。賊焚殺之。先是伯顏不花的斤之援信州也。嘗南望泣下曰。我為天子司憲。視彼城之危急。忍坐視乎。吾知上報天子。下拯生民。餘皆無可憫。所念者太夫人耳。即日入拜其母。鮮于氏曰。兒今不得事母矣。母曰。爾為忠臣。吾即死復何憾。鮮于氏。太常典簿樞之女也。伯顏不花的斤因命子也。先不花奉其母。聞道入福建。以江東廉訪司印。送行御史臺。遂力守孤城而死。朝廷賜諡曰。桓敏。樊執敬字時中。濟寧鄆城人。性警敏。好學。由國子生。擢授經郎。常見帝師不拜。或諗之曰。帝師。天子素崇重。至公大臣見必俯伏作禮。公獨不拜何也。執敬曰。吾孔氏之徒。知尊孔氏而已。何拜異教為。歷官至侍御史。至正七年。擢山南道廉訪使。俄移湖北道。十年。授江浙行省參知政事。十二年二月。督海運于平江。卜日將發。官大宴犒于海口。俄有客船自外至。驗其券信。令人而不虞其為海寇也。既入港。即縱火鼓譟。時變起倉猝。軍民擾

亂。賊竟焚舟。劫糧以去。執敬既走入崑山。自咎於失防。心鬱鬱不解。及還省。而昱嶺關有警。平章政事月魯帖木兒引軍拒之。賊不得進。月魯帖木兒俄以疾卒。賊遂犯餘杭。執敬時已被命討賊海上。至是事急。不得舍去。與平章政事定定治事省中。調兵出戰。皆不利。掾史蘇友龍素抗直有為。進言於執敬曰。賊且至。城內空虛無備。奈何。執敬曰。吾淬礪戈矛。當殲賊以報國。僕或不克。有死而已。何畏哉。俄報賊已至。執敬遽上馬。帥眾而出。中途與賊遇。乃射死賊四人。賊又逐之。射死三人。已而賊來方盛。填咽街巷。且縱火。眾皆潰去。賊知其無援。呼執敬降。執敬怒叱之曰。逆賊。守關吏不謹。汝得至此。恨不碎汝萬段。何謂降邪。乃奮刀斫賊。因中槍而墮。從僕田也先馳救之。亦中槍死。事聞。贈翰林學士承旨。榮祿大夫。柱國。追封魯國公。諡。

全晉庵撒里字子仁。高昌人。初為中書省檢校。時大師汪家奴擅權用事。臺諫無敢言者。晉庵撒里獨於眾中歷數其過。諤諤無懼色。拜監察御史。即首劾汪家奴十罪。乃見黜。然而氣節益自振。不以摧衄遂阻。歷詆權貴。朝臣莫不畏慄。出為廣東廉訪使。尋除兵部尚書。未幾。授贛州路達魯花赤。至郡。發摘奸惡。一郡肅然。至正十一年。潁州盜起。即脩築城壘。旬月之

永樂大典

卷四八一

間守禦之具畢備於是發公帑募勇士得兵三千人日練習之皆可用屬邑有為賊所陷者往往遣兵復之境內悉安十六年以功拜江西行省參政分省於贛十八年江西下流諸郡皆為陳友諒所據乃與總管哈海赤戮力同守友諒遣其將李文才率兵圍贛使人脅之降普庵撒里斬其使日擐甲登城拒之力戰凡四月兵少食盡義兵萬戶馬合某沙欲舉城降賊普庵撒里不從遂自到事聞朝廷贈諡曰傲哀哈海赤守贛尤有功城陷之日賊將脅之使降哈海赤謂之曰與汝戰者我也爾賊毋殺贛民當速殺我耳遂見殺。

周鐘字以聲瀏陽州人篤學通春秋登泰定四年進士第授衡陽縣丞再調大冶縣戶縣有豪民持官府短長號為難治鐘狀若炬懦而毅然有威不可犯抑豪強惠窮民治行遂為諸縣最累遷國子助教會脩功臣列傳擢翰林國史編脩官乃出為四川行省儒學提舉使道還家無何盜起湖南北郡縣皆陷瀏陽無城守盜至民皆驚竄鐘告其兄弟使遠引自謂我受國恩脫不幸必死毋為相累也賊至得鐘欲推以為主鐘唯瞠目厲聲大罵賊知其不可屈乃殺之鐘同時有謝一魯字至道者亦瀏陽人至元乙亥鄉貢進士嘗為石林書院山長賊陷潭州一魯奉親匿巖谷中官兵

復郡邑下者稍歸乃還理故業俄而賊復至生縛一魯一魯罵賊甚厲舉家咸遇害。

聶炳字韞夫江夏人元統元年進士授承事郎同知平昌州事炳蚤孤其母改適自平昌還始知之即迎其母以歸久之轉寶慶路推官會峒徭寇邊湖廣行省右丞禿赤統兵討之也于武岡以炳攝分省理問官悍卒所至掠民為俘炳言于禿赤釋其無驗者數十人至正十二年遷知荊門州纔半歲淮漢賊起荊門不守炳出募土兵得衆七萬復荊門又與四川行省平章政事咬住復江陵其功居多既而斬黃安陸之賊其勢復振賊將俞君正合兵來攻荊門炳率孤軍晝夜血戰援絕城陷為賊所執極口罵不絕賊以力扶其齒盡乃斷左臂而支解之未幾賊陷潛江縣達魯花赤明安達爾率勇敢出擊擒其偽將劉萬戶進營蘆洲賊衆奄至出關死其家賊馬一子挂山海牙懷印授去得免明安達爾唐兀氏字士元炳同年進士由宿州判官再轉為潛江云。

劉耕孫字存吾茶陵州人至順元年進士授承事郎桂陽路臨武縣尹臨武近蠻獠耕孫至召父老告之曰吾儒士也今為汝邑尹爾父老當體吾教訓其子弟孝弟力田暇則事詩書毋自棄以干吾政乃為建學校求民

間守禦之具畢備於是發公帑募勇士得兵三千人日練習之皆可用屬邑有為賊所陷者往往遣兵復之境内悉安十六年以功拜江西行省參政分省於贛十八年江西下流諸郡皆為陳友諒所據乃與總管哈海赤戮力同守友諒遣其將李文才率兵圍贛使人脅之降普庵撒里斬其使日標甲登城拒之力戰九月兵少食盡義兵萬戶馬合某欲舉城降賊普庵撒里不從遂自到事聞朝廷贈諡曰傲哀哈海赤守贛尤有功城陷之日賊將脅之使降哈海赤謂之曰與汝戰者我也爾賊母殺贛民當速殺我耳遂見殺

周鐘字以聲瀏陽州人篤學通春秋登泰定四年進士第授衡陽縣丞再調大冶縣戶縣有豪民持官府短長號為難治鐘狀若冠幘而毅然有威不可犯抑豪強惠窮民治行遂為諸縣最累遷國子助教會修功臣列傳擢翰林國史編脩官乃出為四川行省儒學提舉便道還家無何盜起湖南北郡縣皆陷瀏陽無城守盜至民皆驚竄鐘告其兄弟使遠引自謂我受國恩脫不幸必死毋為相累也賊至得鐘欲推以為主鐘唯唯目厲聲大罵賊知其不可屈乃殺之鐘同侍有謝一魯字至道者亦瀏陽人至元乙亥鄉貢進士嘗為石林書院山長賊陷潭州一魯奉親匿巖谷中官兵

復郡邑下者稍歸乃還理故業俄而賊復至生縛一魯一魯罵賊甚厲舉家咸遇害

永樂大典卷四百八十一

十六

聶炳字韞夫江夏人元統元年進士授承事郎同知平昌州事炳蚤孤其母改適自平昌還始知之即迎其母以歸久之轉寶慶路推官會峒徭寇邊湖廣行省右丞禿赤統兵討之也于武岡以炳攝分省理問官悍卒所至掠民為俘炳言于禿赤釋其無驗者數十人至正十二年遷知荆門州纔半載淮漢賊起荆門不守炳出募土兵得衆七萬復荆門又與四川行省平章政事咬住復江陵其功居多既而斬黃安陸之賊其勢復振賊將俞君正合兵來攻荆門炳率孤軍晝夜血戰援絕城陷為賊所執極口罵不絕賊以力扶其齒盡乃斷左臂而支解之未幾賊陷潛江繼連魯花赤明安達爾率勇救出擊擒其偽將劉萬戶進營蘆洲賊衆奄至出關死其家賊馬一子桂山海牙懷印授去得免明安達爾唐元氏字士元炳同年進士由宿州判官再轉為潛江云

劉明孫字存吾茶陵州人至順元年進士授承事郎桂陽路臨武縣尹臨武近蠻獠明孫至召父老告之曰吾儒士也今為汝邑尹爾父老當體吾教訓其子弟孝弟力田暇則事詩書毋自棄以干吾政乃為建學校求民

間俊秀教之設俎豆習禮讓三年文化大興邑有茶課歲不過五定後增至五十定明孫言于朝除其額歷建德徽州瑞州三路推官所至詳獄疑獄其政精卓然者甚衆至正十二年春斬黃賊攻破湖南明孫傾家資募義丁以援茶陵賊至輒却故茶陵久不失守十五年轉儒林郎寧國路推官歲飢勸富民發粟賑之活者萬計會長鎗嶺南班程述謝璽等攻寧國明孫守城西南日署府事夜率兵乘城固守江浙行省遣參知政事吉尼哥兒來援至則兵已疲矣城恃有援不為備璦南班知之夜四鼓引衆緣堞而上城遂陷明孫力戰遇害第璦孫以國學生下第授寧州儒學正湖南陷常寧長吏棄城走民來印請璦孫為城守賴以完者一年外援俱絕死之長子碩為武昌江夏縣魯湖大使起義兵援茶陵亦死之

俞述祖字紹芳慶元象山人由翰林書寫考滿調廣東元帥府都事入為國史院編修官已而出為沔陽府推官至正十二年斬黃賊迫州境述祖領兵守綠水洪并力捍禦之兵力不支沔陽城陷民兵悉潰述祖為賊所執械至其偽主徐壽輝所誘之使降述祖罵不輟壽輝怒支解之有子方五歲亦死事聞贈奉訓大夫禮部郎中象山縣男

永樂大典卷四百八十一

十七

為仇家所訴免官會賊攻昱嶺關行省遣假前官余從征完澤勇于討賊九再戰關下皆勝尋又與賊鬪為所執其妻弟金德亦被擒皆反縛于樹臨以白刃脅之降金德意未決完澤呼曰金勇男子漢即死不可聽賊德曰此言最是因大罵賊怒剖二人之腹而死

永樂大典卷之四百八十一

重錄總校官侍郎臣高士

諭德臣體素

分校官編修臣陶大臨

書寫儒士臣金琦

潤點監生臣叢仲博

臣徐噴

永樂大典

卷四八五